



AMBALAŽNI OTPAD OD OPASNIH MATERIJA

Nakon upotrebe ovakvih proizvoda, ambalažu je potrebno zbrinuti na zakonom propisan način. Ovu ambalažu ne smijete baciti u kontejner za komunalni otpad, jer ona predstavlja opasnost za čovjeka, kao i za biljni i životinjski svijet, zbog čega mora biti prikupljena i reciklirana na poseban način.



Zabranjeno odlaganje u kontejnere komunalnog otpada

Molimo vas da poklopcem zatvorite praznu kutiju takvog proizvoda i ambalažu bacite u najbliži kontejner na kojem piše "AMBALAŽNI OTPAD OD OPASNIH MATERIJA", a koji možete naći na mjestu na kojem ste kupili navedeni proizvod ili kod ovlaštenog prikupljača opasnog otpada.

Oznake ispod upućuju da na ovim mjestima možete besplatno odložiti opasni otpad:





OTPADNA ULJA I ANTIFRIZ

U slučaju da sami mijenjate ulja ili antifriz u vašem motoru znajte da se različita otpadna ulja i antifriz moraju prikupljati u različite posude. Zabranjeno je istresati otpadna motorna ulja u kanalizaciju, rijeke i tlo. Kada prikupite otpadno ulje potrebno ga je odnijeti najbližem sakupljaču opasnog otpada koji je dužan besplatno preuzeti otpadno motorno ulje ili antifriz od vas.



Zabranjeno bacati u kanalizaciju, na zemlju, rijeke, potoke, jezera, more

U slučaju da radite zamjenu ulja ili antifriza u servisu, servis je dužan da u vaše ime zbrine na zakonom propisan način otpadno ulje i antifriz nastali zamjenom u vašem motoru.

Bilo da se radi o servisu za zamjenu ulja ili reciklažnom dvorištu sakupljača opasnog otpada, i jedni i drugi su dužni na vidnom mjestu postaviti obavijest krajnjem korisniku – fizičkom licu - o mogućnosti predaje, odnosno preuzimanja otpadnih ulja oznakom sadržaja "PREUZIMAMO OTPADNA ULJA". Rezervoari za sakupljanje otpadnog mazivnog ulja moraju biti nepropusni i zatvoreni i uz propisanu oznaku ključnog broja otpadnog ulja moraju nositi i oznaku kategorije otpadnog ulja.



